

# SAHABAT NABI YANG TERBILANG

## Sejarah Terdirinya Persatuan Pelopor-Pelopor Islam

Apabila diselidiki sejarah kebangkitan Islam, tentulah akan diketahui, bahawa setelah dua tahun

Nabi kita diangkat menjadi Rasul, mulailah baginda membentuk persatuan yang menyatukan pemuda-pemuda Islam yang telah menerima seruannya, dan tampil menjadi pembela agama Allah. Bagaimana caranya baginda membentuk persatuan bersejarah itu adalah digambarkan dengan sejas-jelasnya oleh penulis makalah ini – P.Q

Rasulullah (S.A.W) memulai usahanya menyebarkan Islam adalah pada tahun 1 sebelum Hijrah (610 M).

Setelah dia tahun menjalankan usahanya, terdapat pengikut-pengikut kira-kira 30 orang anak muda. Di antara mereka ada seorang sahabat baginda bernama al-Arqam. Oleh kerana kaum Muslimin pada ketika itu belum ada tempat mereka berkumpul untuk belajar hukum-hukum agama dan mengerjakan ibadat, maka timbullah cita-cita al-Arqam ini hendak menjadikan rumahnya tempat yang dimaksudkan itu. Akhirnya cita-citanya berhasil dan rumahnya telah menjadi pusat penyebaran Islam dan tempat Nabi menyusun dan mengatur segala gerak langkah yang membawa kepada perpaduan kaum Muslimin dan perkembangan Islam.

Semenjak itu Nabi pun menentukan masa memberi pelajaran dan latihan. Pelajaran itu biasanya diberikan oleh Nabi setelah sembahyang atau sebelumnya.

Jelasnya, semenjak itu, Nabi mulai membentuk persatuan bagi pemuda-pemuda Islam yang telah menjadi pengikut-pengikutnya.

### Sebab-sebab terbentuknya

Pemuda-pemuda Islam itu, masih sedikit bilangannya, lemah dan bercerai berai. Keadaan itu memerlukan persatuan supaya dengan persatuan itu diperoleh kekuatan dan tersusun rapi persaudaraan di antara pemuda-pemuda Islam itu.

Pada suatu hari, Sa 'ad bin Ābī Waqqās pergi berserta beberapa orang rakannya yang telah Islam ke suatu tempat yang jauh dari mata orang ramai kerana hendak beribadat. Tiba-tiba beberapa orang dari kaum jahiliah lalu di situ dan terpancang orang-orang Islam sedang beribadat. Apa lagi mereka pun menista dan mencerca perbuatan Sa'ad dan rakan-rakannya sehingga terjadi perkelahian

di antara kedua belah pihak. Dalam perkelahian itu Sa'ad telah memukul seorang musyrik dengan tulang dagu unta sehingga pecah kepalanya.

Sesudah peristiwa itu, anak-anak muda Islam itu mulai merasa cemas. Oleh itu Nabi berfikir jika mereka dibiarkan bercerai berai, tentulah mudah akan di serang dan dianiaya oleh kaum Musyrikin. Nabi bercadang hendak membentuk pemuda-pemuda Islam itu dan menetapkan pula waktu berkumpul untuk menguatkan ikatan ukhuwwah (persaudaraan).

#### **Tempat letaknya rumah perkumpulan**

Rumah perkumpulan itu telah diberikan oleh al-Arqam dan terletak di kaki bukit Safa.

(Rumah itu, kemudiannya, telah dibeli oleh Ābū Ja 'far al-Mansūr, khalifah Bani 'Abbās yang kedua. Lalu diberikannya kepada puteranya: al-Mahdī. Khalifah al-Mahdī pula kemudiannya memberikan rumah itu kepada isterinya: al-Khayzurān, ibunya Mūsā al-Hādī dan Harūn al-Rashīd. Akhirnya rumah itu berpindah tangan sehingga tiba di tangan Sultan Safīm, (Raja Turki).

#### **Pemuda-pemuda Islam diberi latihan**

Pemuda-pemuda Islam itu terus menerus berkumpul dan bersatu padu serta bersedia pula dengan teratur untuk bergerak di tengah-tengah masyarakat, menyampaikan seruan-seruan Allah, selama empat tahun lamanya. (Hingga akhir tahun yang keenam sesudah Nabi dipilih oleh Allah menjadi Rasul-Nya). Pada hampir akhir tahun yang keenam itu, seorang anak muda yang berani dan cerdas telah memeluk Islam. Anak muda itu ialah 'Umar bin al-Khattāb.

Sebaik-baik ia memeluk Islam ia telah meminta kepada Rasulullah (S.A.W) supaya baginda menjalankan ibadat dengan berterang-terang dan menzahirkan Islam di tengah-tengah bandar Mekah, akan tetapi oleh kerana pelajaran atau latihan pada masa itu belum tamat, maka baginda telah menanggungkan permintaan Sayidina 'Umar sehingga akhir tahun itu.

Setelah latihan yang diberikan oleh Nabi kepada pemuda-pemuda Islam itu sempurna, baharulah baginda membenarkan permintaan Sayidina 'Umar, dan baharulah baginda melepaskan pemuda-pemuda Islam itu berjuang dalam masyarakat ramai di tengah-tengah bandar Mekah.

#### **“Tunjuk perasaan” yang pertama**

Sebagai tanda memulai perjuangan, pada suatu hari keluarlah pahlawan-pahlawan Islam itu dari rumah perkumpulannya itu dengan berbaris.

Barisan pertama dahului oleh Saiyidina 'Umar, barisan kedua oleh Sayidina Ḥamzah.

Masing-masing berjalan dengan pedang terhunus di tangan.

Mereka berjalan berkeliling, melalui segala jalan dan lorong Mekah, dan akhirnya menuju ke Ka'bah. setibanya di sana, Nabi pun mengerjakan sembahyang dan kemudian tawaf di keliling Baitullah. Setelah selesai.

pemuda-pemuda Islam itu pun berjalan balik ke rumah perkumpulan mereka.

Orang-orang musyrikin melihat barisan “tunjuk perasaan itu dengan menahan hati.

Semenjak itu mulailah berlaku pertentangan di antara kedua pihak. Kaum musyrikin mulailah memutuskan perniagaan dan menganiaya pemuda-pemuda Islam dengan berbagai-bagai angkara. Akan tetapi latihan empat tahun itu telah menanamkan iman dengan seteguhnya.

Setelah orang-orang musyrik memutuskan perhubungan, pemuda-pemuda Islam pun pergi ke kampung “Shu‘ib Abī Tālib”, (bersama-sama dengan Nabi dan keluarganya) dan tinggal diam di sana menahan derita pemuluan (kaum musyrikin yang lebih ramai dan lebih kuat pada ketika itu).

Oleh kerana penderitaan makin sehari makin bertambah, maka sebahagian daripada pemuda-pemuda Islam dibenarkan oleh Nabi supaya mereka keluar berhijrah ke negeri Habsyah (hijrah yang kedua kali)/

Setelah tujuh tahun lamanya dari saat pemuda-pemuda Islam mengadakan “tunjuk perasaan” itu baharulah Nabi kita berhijrah ke Madinah untuk menyatukan dirinya dengan kaum Muslimin yang telah ada di sana.

#### **Bilangan anggota-anggota persatuan pemuda pelopor**

Pertubuhan pemuda Islam ini yang pada mula-mula dibentuk berjumlah 35 orang, maka setelah berlaku empat tahun anggotanya meningkat menjadi 40 orang.

Dalam masa yang empat tahun ini, Nabi (S.A.W) tidak berusaha menambahkan anggota, hanya berusaha mendalami iman dalam jiwa pemuda-pemuda yang telah menjadi anggota Islam itu, berusaha mencerdaskan akal mereka serta membanyakkan pengetahuan. Dalam tempoh empat tahun itu, baginda berusaha siang dan malam menciptakan pemuda-pemuda yang akan menjadi pelopor siasah dan kenegaraan, seperti Sayidina Abu Bakar dan Sayidina ‘Umar, menciptakan pemuda-pemuda tentera seperti Sa‘ad bin Ābī Waqqāṣ dan Āmar bin al-Jarrāh, membentuk pemuda-pemuda alim seperti ‘Abdullah ibn Mas‘ūd dan Ālī bin Ābī Tālib, mewujudkan pemuda-pemuda iqtisād seperti ‘Abdul Rahman bin ‘Awf.

Hanya empat atau lima pemuda sahaja yang masuk menjadi anggota selama empat tahun (selama Nabi

membulatkan tangan untuk mencerdaskan anggota-anggota yang telah masuk) itu.

Di antara yang empat atau lima orang ini, ialah: Hamzah dan ‘Umar, yang masuk dengan kemahuan sendiri dengan tidak diseru (diajak) oleh Rasulullah (S.A.W).

#### **Pemimpin persatuan**

Persatuan pemuda Islam yang empat puluh ini dipimpin oleh Rasulullah (S.A.W) sendiri, bagindalah pemimpin dan baginda juga guru.

#### **Rancangan persatuan**

Di antara rancangan persatuan ini, ialahL

1) Mewujudkan undang-undang persaudaraan diantara anggota persatuan.

Rasulullah (S.A.W) sebagai ketua persatuan ini, telah mempersaudarakan tiap-tiap seorang anggota persatuan dengan seorang anggota yang lain, umpamanya baginda mempersaudara Tālḥah dengan al-Zubayr, dan baginda sendiri membuat janji persaudaraan dengan ‘Alī ibn Ābī Tālib,

Hal ini dilaksanakan oleh Nabi supaya timbul cita-cita mesra, kasih sayang, tolong menolong yang sebenar-benarnya di antara anggota-anggota itu.

2) Memastikan membela dan menolong saudara.

Rasulullah (S.A.W) telah menyerahkan seorang atau dua orang pemuda yang lemah kepada seorang yang kuat dan mempunyai kedudukan di kalangan kaum Quraysh, untuk memberi perlindungan kepada yang lemah itu. Sebagaimana Rasulullah (S.A.W) juga telah menyerahkan Habbāb ibn al-Aratt kepada Sa‘īd ibn Zayd. Dengan demikian hidupkan Habbāb dengan Sa‘īd sebagai dua orang saudara kandung.

## Nama pahlawan-pahlawan empat puluh

### (pelopor pahlawan Islam)

Di susun menurut tertib umurnya ketika memeluk

Islam dari yang semuda-mudanya kepada yang tua sekali:

- 1) Alī bin Ābī Ṭālib (8 tahun)
- 2) Zubayr ibn al-Awwām (8)
- 3) al-Sā'ib ibn Uthmān ibn Maz'ūn (8)
- 4) Ṭalḥah ibn Ubaydillāh (11)
- 5) al-Arqam ibn Ābī al-Arqam (12)
- 6) 'Abdullah ibn Mas'ūd (14)
- 7) Sa'īd ibn Zayd (15)
- 8) Sa'ad ibn Ābī Waqqās (17)
- 9) Mas'ūd ibn al-Rabī' (17)
- 10) Abdullah ibn Maz'ūn (10)
- 11) al-Sā'ib ibn Maz'ūn (18)
- 12) Ja'far ibn Abī Ṭālib (18)
- 13) Ṣuhayb al-Rumī (18)
- 14) Qudāmah ibn Maz'ūn (18)
- 15) Zayd bin Ḥārithah (19)
- 16) Uthman bin 'Affān (20)
- 17) Ṭalīb ibn Umayr (20)
- 18) 'Āmir ibn Abī Waqqās (20)
- 19) Habbāb ibn al-Aratt (23)
- 20) 'Āmir ibn Qahīrah (23)
- 21) Muṣ'ab ibn 'Umayr (24)
- 22) al-Miqdād ibn al-Aswad (24)
- 23) Abdullah bin Jahshy (25)
- 24) Umar ibn al-Khaṭṭāb (26)
- 25) 'Āmir ibn al-Jarrāh (27)
- 26) 'Utbah ibn Ghazwān (27)
- 27) Abū Ḥuzayfah ibn 'Utbah (29)
- 28) Bilāl bin Abī Rabbāh (29)

- 29) Khalid ibn Sa'īd (30)
- 30) 'Āmir ibn Sa'īd (di antara 20-30)
- 31) Iyās ibn Rabī'ah (20-30)
- 32) Na'īm ibn Abdullah (20-30)
- 33) 'Āmir ibn Rabī'ah (20-30)
- 34) Abū Salamah (30)
- 35) 'Abdul Rahman ibn 'Auf (30)
- 36) Uthmān ibn Maz'ūn (30)
- 37) 'Āmar ibn Yāsir (310)
- 38) Abū Bakar al-Ṣiddīq (37)
- 39) Ḥamzah ibn 'Abdul Muṭṭalib (42)
- 40) 'Ubaydah ibn al-Ḥārith (50)

(Dari buah kalam al-Ustadh Muhammad Hasbi Ash-Shiddieqy)

“Akan engkau maki-maki lagi Muḥammad?”

Aku telah beragama dengan agama Muḥammad dan akan aku ucapkan apa yang diucapkan Muḥammad. Kalau engkau berani cuba balas pukulanku” – ini ialah perkataan Ḥamzah ibn 'Abdul Muṭṭalib ketika memukul Abū Jahal.

### **Ḥamzah**

Pahlawan Islam yang gagah, ayah saudara Nabi! Sejarahnya ini di sebut di dalam buku Syuhada' Islam 1 dengan nama:

### **Singa Allah**

### **Ḥamzah ibn 'Abdul Muṭṭalib**

Ceritanya bersemangat dan membawa semangat. Lihat sejarah keberaniannya. Senaskhah hanya 50 sen pos 10 sen.